



18. januar 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqquteqaat:

- 1. Naalakkersuisut Kalaallit Nunaata naalagaaffinngornissaanut inerisarnermut atatillugu iliusissatut pilersaaruteqalernissamut sunik siunnerfeqarpat (Nationbuilding)?**
- 2. Inatsit Tunngaviusussap saniatigut Namminersorlutik Oqartussat naalagaaffittut ikaarsaarnissaanut kulturikkut, ilinniartitaanikkut, inuiaqatigiittut, oqaatsitigut illersornissakkut assigisaatigullu ataqatigiissaarinissamut Naalakkersuisut pilersaaruteqarpat?**

(Inatsisartunut ilaasortaq Najaaraq Møller, Siumut)

Tunngavilersuut:

Inatsit Tunngaviusussaq aamma Namminersornermut Inatsimmi § 21 Inatsisartut ataatsimiinnerini oqaluuserineqartarnerani ersertarpoq nalornineq annertoq pigineqartoq assortuuttoqartarlunilu. Ersertarportaaq Naalakkersuisut naalagaaffinngornissamut toqqammavilersuutissanik siunnerfinnillu ersarissunik peqanngitsut. Inatsit Tunngaviusussaq inuiaqatigiinni siammarterneqarusuppoq eqqartorneqassallunilu, taassumalli kingunerisaanik Kalaallit Nunatta toqqammavigisassai, soorlu ilinniartitaanikkut sinaakkutissat, kulturitsinnik ersarissunik peqarnissaq il.il. nunatut siunnerfigisassatut isiginartut ersarinngillat.

Apeqqutigineqartut ullut suliffiusut qulit iluanni akeqquneqarput.